



HO'OLU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA 13 (FestPAC)

PO'AKAHI, 15 'AUKAKE, 2022, HOLA 3:00 'AUI.

MA O KA ZOOM: HĀLĀWAI WIKIŌ A LEO

Nā Lālā Komikina i Kū Mai:

Kalani Ka'anā'anā	-	Ke'ena Kuleana Ho'okipa o Hawai'i (HTA)
Maenette Ah Nee-Benham	-	'Elele Kia'āina
Snowbird Bento	-	Kaiāulu
Māpuana de Silva	-	Kaiāulu
Sylvia Hussey	-	Ke'ena Kuleana Hawai'i (OHA)
Jarrett Keohokālole	-	'Aha Kenekoa o Hawai'i
Jamie Lum	-	Ke'ena Ho'omohala Waiwai a me ka Ho'okipa (DBEDT)
Richard Onishi	-	'Aha Lunamaka'āinana o Hawai'i
Kēhaulani Pu'u	-	Ke Kūlanakauhale a Kalana o Honolulu

Nā Hoa Kipa:

Jackie Burke	-	Kaiāulu
Mamiko Caroll	-	Kaiāulu
Terava Casey	-	Hu'ea'o – Ho'olaule'a No'eau a Mo'omeheu Pākīpika
Maka Casson-Fisher	-	Ke'ena Kuleana Ho'okipa o Hawai'i (HTA)
Lynn J. Martin Graton	-	Kaiāulu
Ngahiraka Mason	-	Kaiāulu
June Matsumoto	-	Kaiāulu
Aaron Salā	-	Luna Ho'olaule'a
Mālia Sanders	-	'Ahahui Ho'okipa 'Ōiwi Hawai'i
Ka'iulani Spencer	-	Kaiāulu
Kanoē Takitani-Puahi	-	'Ahahui Ho'okipa 'Ōiwi Hawai'i
Miki-tae Tapara	-	Kaiāulu
Pris Teixeira	-	Kaiāulu

Nā Limahana:

Elise Amemiya	-	Loio Kuhina
Timothy Tiu	-	DBEDT
Scott Tome	-	DBEDT
Selma Malcolm	-	DBEDT

HO'OMAKA

Ua ho'omaka ka Luna Ho'omalua Ka'anā'anā i ka hālāwai ma ka hola 3 'au. me ke aloha pū aku i ka po'e hō'ea. Ua mālama 'ia ihola na ua Luna Ho'omalua nei ke kikolā: 'o ka Luna Ho'omalua, Mike Ah Nee-Benham, Mike Bento, Mike de Silva, Mike Hussey, Mika Keohokālole, Mike Lum, Mika Onishi, a me Mike Pu'u. Ua ho'olauna akula ka Luna Ho'omalua i ka Lālā Komikina de Silva nāna e wehe i ka hālāwai.

Ua hō'ike mai 'o Mike de Silva i kona ohohia nui i ke ka'ana like aku i kekahi mau hō'ike'ike mai nā ho'olaule'a o nā makahiki i hala āna i hō'ea ai e 'ike ai nā lālā komikina i ke "'ano" o ua mau hanana nei, 'oia, ua 'oko'a nō kēlā me kēia. Ua hō'ike pū 'o ia i kona ho'ā'o 'ana e wae i nā ki'iaka e hō'ike ana i nā wahi 'oko'a a pēlā pū nā mea i kupu honua mai ma ua mau ho'olaule'a nei.

Hō'ike 'ia ma nā ki'iaka mua 'o Nūkaledonia ma ka MH 2000. 'O kēia ka ho'olaule'a mua a ka lālā komikina de Silva i komo ai. Ua hō'ike mai 'o ia no ka hele 'ana o ka hui 'elele Hawai'i i kekahi wahi ka'awale ma ke kapa kai 'Ākau Hikina. Ua hō'ike ko lākou mea kōkua no ka loa'a o ka po'e i hele wāwae no kekahi mau lā e 'ike ai i ka hui 'elele Hawai'i no ka lohe o ka po'e no ka Hawai'i me ka 'ike maka mua 'ole nō na'e. Ua hoihoi loa kēia i ua lālā komikina de Silva nei. A laila aku kekahi hanana, 'o ke kanu kumu pine nō ho'i, i ko'iko'i ma ka mo'omeheu o Nūkaledonia no kona ho'ohanohano 'ana i nā hanana kūikawā i mau kona ho'omana'o 'ia no nā hanauna ma hope mai. Ua hō'ike 'o ia no ka hahai 'ana o ka hui 'elele Hawai'i iā Eddie Ka'anā'anā a kukuli me ke kanu kumu lā'au me ka lima ma kahi o ka ho'ohana i nā kopalā i ho'olako 'ia. Ua uē ka po'e i ka pā o ka na'au. I kekahi manawa, he iki unu nō e ka'a ai ka pōhaku.

Hō'ike 'ia ma ka wikiō ki'iaka 'elua ka Pae 'Āina 'o Kolomona i ka MH 2012. Mai loko mai o nā ho'olaule'a he 5 i hele ai ua Mike de Silva nei, 'o kēia paha ka mea nui loa no ka piha mō'aūkala moana nui ākea ma ka Pae 'Āina 'o Kolomona e 'ane'ane aku ana i ka 1,000 mokupuni o ka Pākīpika. Ua kipa ka hui 'elele Hawai'i i 'ehā wahi ka'awale 'oko'a. Eia hou, ua ho'omākaukau 'ia na ko ka Pae 'Āina 'o Kolomona kekahi o nā hale wehiwehi a nui loa no kēlā me kēia hui 'elele a he mau māhina ka wā i kūkulu 'ia ai a pa'a. Ua nui maika'i ko lākou Kūlanakauhale Ho'olaule'a, me nā hō'ike'ike i mālama 'ia ma ke kahua hō'ike'ike puna. Ma ka Papa Hana Wehena, e noho ana nā keiki ma kahi anaina nānā me ka pa'a i nā waiho'olu'u e 'ike 'ia ai he hae Hawai'i, he mea ho'i i pā ai ka na'au. Ua makana 'ia ka hua'ai, mea ulu, a pua'ola i kēlā me kēia hui 'elele. I ka pau 'ana o ka ho'olaule'a, ua ho'omo'a 'ia nā mea a pau me ke ka'ana like pū 'ia aku me nā kōko'o nāna i kōkua iā lākou a i ko lākou mau 'ohana pū kekahi. 'A'ohe ho'i mea 'uha'uha 'ia. Ua hāpai 'o Mike de Silva i ke ko'iko'i o nā kōko'o i nā hui 'elele ma ke alaka'i i kahi e pono ai, a me ke kōkua ma nā mea a pau i pono ai.

Hō'ike 'ia ma ka hō'ike'ike ki'iaka hope 'o Guam ma ka MH 2016 i 'oko'a loa ma kona mau wahi. He kino kimeki ko ka hale o Guam, i ho'ohana 'oko'a 'ia e ko Guam na ka 'oihana ho'okipa i mea e ho'okipa 'ia aku ai nā mea hana no'eau me ka mālama hō'ike'ike pū.

Ua hō'ike mai 'o Mike de Silva i kona mana'olana, e lilo ua hō'ike'ike nei he kōkua i ke ākea 'ana a'e o ka mana'o o nā Lālā Komikina no ka Ho'olaule'a, nā mea e hiki ana i loko o nā

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Po'akahi, 15 'Aukake, 2022, hola 3:00 'au.
'Ao 'ao 5 o 5

palena, a me ka 'ike 'ana no ke 'ano i ho'okipa mua 'ia ai ko Hawai'i e ia mau 'āina ma nā
makahiki he 40 i ka'a hope akula.

Ua mahalo ka Luna Ho'omalua iā Mike de Silva i kāna hō'ike'ike me ka nīnau inā he mau nīnau.
'A'ohe nīnau. Ua mahalo pū 'o Mike Hussey i ua Mike de Silva nei no ke ka'ana like me ka
hō'ike i ke kōkua nui o ka 'ike 'ana i nā ki'i.

'OLELO HŌ'IKE A KA LEHULEHU

Ua kono aku ka Luna Ho'omalua Ka'anā'anā i nā lālā o ke ākea e hō'ike mana'o no nā
kumumana'o. No ka 'ole, ua ho'omau akula 'o ia.

'ĀPONO I KA MO'OLELO HĀLĀWAI 11 IULAI, 2022

Ua kāka'ahi 'ia akula ka mo'olelo hālāwai 11 Iulai 2022 me ka nānā pū 'ia na nā Lālā Komikina.
Ua nīnau akula ka Luna Ho'omalua inā he mana'o a ho'ololi i ka mo'olelo. No ka 'ole, hāpai 'o ia
he noi i ho'okō 'ia na Mike Ah Nee-Benham i kāko'o 'ia na Mika Onishi. Ua hō'ike akula 'o
Mike Sanders i ke kiko hewa o ko Mika Keohokālole inoa mua e ho'oponopono 'ia ma hope
mai. Ua noi 'ia ke kiko'ā a penei nā Lālā Komikina e 'āpono ana i ke noi e 'āpono i ka mo'olelo
hālāwai 11 Iulai 2022 nona ka ho'ololi li'ili'i: 'o ka Luna Ho'omalua, Mike Ah Nee-Benham,
Mike de Silva, Mike Hussey, Mika Keohokālole, Mike Lum, Mika Onishi.

Ua holo ke noi e 'āpono i ka mo'olelo hālāwai 11 Iulai 2022 i ho'oponopono 'ia kona kiko hewa.

KA NŪ HOU NO NĀ WĀ HUI I 'ĀPONO 'IA, ME KA HAHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Ua hō'ike ka Luna Ho'omalua Ka'anā'anā no ka 'ekolu hālāwai i mālama 'ia. Ua hālāwai ke
Kōmike Ho'okō (AC) ma ka 25 Iulai 2022 a ma ka 11 'Aukake 2022, a ua hālāwai ke Kōmike
Wahi a Papa Hana (VC) ma ka 8 'Aukake 2022 a ma ka 11 'Aukake 2022. E hō'ike 'ia nā mea
lāli'i o kēia mau hālāwai no nā wā hui i 'āpono 'ia a me nā hua kūkā ma hope mai.

KA HŌ'IKE'IKE, KE KŪKĀKŪKĀ, A ME KA HANA PILI I KA NŪ HOU MAI KE KŌMIKE PAPA LUNA HO'OKELE

Ua ho'olilo ka Luna Ho'omalua Ka'anā'anā i kāna māhele o ka hālāwai iā Mike Ah Nee-Benham,
ka Luna Ho'omalua o ka AC. Ua hō'ike ua Mike Ah Nee-Benham nei no ka pane'e 'ia aku o ke
kope o nā hālāwai AC 'elua i mālama 'ia ma ka 25 Iulai 2022 a me ka 11 'Aukake 2022 i nā lālā
komikina i ia kakahiaka.

Ua hō'ike ua Mike Ah Nee-Benham nei no ka hālāwai o ka 25 Iulai 2022, ua hō'ike ka Luna
Ho'olaulea (FD), 'o Mika Aaron Salā, he 'ike laulā no kāna mau hālāwai hope iho nei me ke
Council for Pacific Arts and Culture (CPAC) i ākea a'e ai ke kuana'ike no kekahi o nā
makemake o ka CPAC a pēlā pū ka Festival of the Pacific Committee (SPC) no ka hana ma
Hawai'i. Ua hō'ike pū ua Mike Ah Nee-Benham nei no ke kūkā 'ana o ka AC i nā 'ano hana like
'ole e la'a ka papa manawa, ke kino, ka mo'ohelu ho'olaule'a, ka ho'oulu kālā, a ho'oulu
kumuwaiwai e pono ai ka mālama kūpono 'ia o ka ho'olaule'a i ka MH 2024. Ua noi ua kōmike
nei i kekahi mau palapala mai ka Luna Ho'olaule'a no ka hālāwai 11 'Aukake 2022.

Ua hō'ike ua Mike Ah Nee-Benham nei, ma ka hālāwai AC o ka 11 'Aukake 2022, ua ho'olako 'ia na ka Luna Ho'olaule'a he 'ekolu palapala ko'iko'i i ka AC. 'O kekahi ka papa manawa o nā hana nui. Ua noi ka AC i ka Generalized Activity Normalization Time Table (GANTT). Ua ho'olako 'ia na ka Luna Ho'olaule'a kekahi palapala o ia 'ano like i lawa ai ka makemake o ka AC no ka hō'ike 'ia o nā mana'o kālele nui o ka mea e kō ana ma loko o ka holo 'ana o nā māhina e hiki mai ana o ka MH 2022. Ua a'o pū ka AC no kahi Memorandum of Understanding (MOU) e pono ai ma waena o Hawai'i a me ka SPC/CPAC e hō'oia 'ia ai ko Hawai'i kuleana ma ka mālama 'ana i ka FestPAC 13. E hō'ike ka Luna Ho'olaule'a no ka MOU ma hope mai.

Ua hō'ike ua Mike Ah Nee-Benham nei no ka papa hana ho'oulu kālā Ho'olaule'a; ka mea nui 'o ka loa'a o ke kime ho'okō nui nāna e kōkua i ka Luna Ho'olaule'a. Ua hō'ike pū ua Mike Ah Nee-Benham nei no ka papa hana ho'oulu kālā Ho'olaule'a he wā no ka AC e nānā hou ai i nā mea i ho'ohiki 'ia. Ua kūkā pū 'ia ka mea nui 'o ka loa'a o ke kime ho'okō nui nāna e kōkua i ka Luna Ho'olaule'a. Na ka Luna Ho'olaule'a e hō'ike i ka holomua o kona 'imi 'ana i ke kime e kino ai ka papa hana ho'olālā ho'oulu kālā. Ua kūkā pū 'ia na ka AC he waihona no ke kālā e kūkā 'ia ma kekahi hālāwai AC. Ua a'oa'o pū mai 'o ia no ka loa'a o kekahi mo'ohelu i 'āpono 'ia e hō'ano hou 'ia ana me ke kākā'ahi pū 'ia aku i nā lālā komikina. Eia hou, e kūkā 'ia na ka Luna Ho'olaule'a nā māhele o ka papa manawa ho'okō ma ka wā o ka hō'ike'ike.

KA HŌ'IKE'IKE, KE KŪKĀKŪKĀ, A ME KA HANA PILI I KE KŌMIKE WAHI A ME KA NŪ HOU MAI KE KŌMIKE PAPA HANA

Ua ho'olilo ka Luna Ho'omalua Ka'anā'anā i kāna māhele o ka hālāwai iā Mike Lum, ka Luna Ho'okele o ka VC. Ua hō'ike ua Mike Lum nei no ka hālāwai 'ana o ka VC ma ka 8 'Aukake 2022. Ua hō'ike 'o ia no ke kūkā 'ia o ka hapa nui o nā kumuhana i kūkā 'ia ma ka hālāwai VC ma kekahi 'ano lāli'i a'e ma ka hō'ike a ka Luna Ho'olaule'a.

Ua hō'ike ua Mike Lum nei ma kinohi o ka hālāwai, ua hō'ike ka Luna Ho'olaule'a no ka mana'o o ka SPC/CPAC e 'ike 'ia ke ka'akālai 2050 ma ka papa hana Ho'olaule'a, āna e 'imi nei e 'ike iā ia e komo ana i nā hālāwai Working Group. E hō'ike 'ia nō paha ua mau mana'o nei ma ka MOU a ka Lālā Komikina Ah Nee-Benham i hō'ike ai ma kāna hō'ike. Ua kūkā pū ka VC no ka ho'omākaukau 'ana i 'alemanaka FestPAC e nānā 'ia ma ka hō'ike a ka Luna Ho'olaule'a.

Ua hō'ike ua Mike Lum nei no ke kūkā 'ana o ka VC inā e komo pū ko ka FestPAC Parade of Nations i loko o ke King Kamehameha Day Parade, 'oia, mālama 'ia ua mau hanana nei i ka wā ho'okahi. 'O ia ka mea i pa'a ma ka wā i mana'o 'ia ai ka Ho'olaule'a i ka MH 2020. Ua hō'oia ka Luna Ho'olaule'a no ka hoihoi o ke King Kamehameha Day Commission inā 'o ia mau ka makemake o ke Komikina. Eia na'e, ma hope o ke kūkā 'ana, ua mana'o ka VC, e aho ke mālama ka'awale 'ia ka Parade of Nations i ke King Kamehameha Day Parade me kona mālama pū 'ia ma ke kahua kulanui o Ke Kulanui o Hawai'i ma Mānoa (UHM). E pāku'i ka VC i ka ho'ohana 'ia o ke kahua i ka papa helu noi i ko ke Kulanui.

No kahi e noho ai, ua hō'ike ua Mike Lum nei no ka 'aelike i pa'a 'ē me ko Ke Kulanui o Hawai'i ma Mānoa no ka 1,800 lumi a me ka 2 wā 'ai o ka lā. E mana'o ana ka Luna Ho'olaule'a nei, e pono paha e ho'olālā 'ia he 500 hou aku lumi, aia ho'i i ka nui o nā hui 'elele a ke Komikina e 'āpono ai no kēlā me kēia kaumoku'āina. E kūkā hou 'ia aku ma ka hō'ike a ka Luna Ho'olaule'a.

Ua hō'ike ua Mike Lum nei no ke kūkā lihi 'ana o ka VC no ka mo'ohelu Ho'olaule'a – inā 'o ia ka mea e holo nei ka papa hana, a ma ka 'ēko'a paha. Ua hō'ike 'o Mika Onishi, 'oia, 'o ia ana ka mea mālama i ka Ho'olaule'a 2024, he mea nui ko ka moku'āina a pekelala lūlū kālā 'ana me ka 'ae pū 'ana e 'imi 'o ia ka 'elele ma waena o ka moku'āina a me ka pekelala.

KA HŌ'IKE'IKE, KE KŪKĀKŪKĀ, A ME KA HANA PILI I KA PALAPALA HŌ'IKE A KA LUNA HO'OLAULE'A

Ua kāhea 'ia ka Luna Ho'olaule'a Salā na ka Luna Ho'omalū Ka'anā'anā no kāna hō'ike.

Ua hō'ike ua Luna Ho'olaule'a nei no kona komo 'ana i ka Pacific Islands Forum mai ka 11-14 Iulai 2022 ma Suva, Fiji. Ua kono 'ia 'o ia na ka SPC i kekahi mau hālāwai āna i komo ai ma ka hana pū 'ana me ka Pacific Islands Development Program mai ka East West Center. Ma ka holo 'ana o ka pule, ua launa 'o ia me kekahi mau hui, nā luna ho'okele, a me nā limahana SPC. Ua hō'ike ua Luna Ho'olaule'a nei, 'o kekahi pahuhopu nui o ka hālāwai ke kāko'o 'ana o nā alaka'i he 18 o ka Pākīpika i ke ka'akālai no ka Blue Pacific Continent 2050. Ua hō'ike 'o ia no kekahi mau papa hana kohu e la'a ka hō'ike'ike e hāpai ana i ka mō'aūkala he 50 makahiki o ka Festival of Pacific Arts and Culture i mālama 'ia na ka SPC a i hō'ike'ike 'ia na ke Kauka Frances Koya-Vaka'uta a me Mike se Silva, i aloha aku i ka po'e a i kono aku i ka hō'ea i ka FestPAC 2024 ma Hawai'i. Ua hō'ike pū ka Luna Ho'olaule'a nei no kona launa 'ana me ko ka SPC me ka ho'olālā pū 'ana he mau hālāwai kūmau.

Ua hō'ike ua Luna Ho'olaule'a nei no kona komo makamua 'ana i kāna hālāwai FestPAC Working Group ma ka 8 'Aukake 2022, a 'o ka pahuhopu o ia hālāwai ka nānā 'ana i ka hiki ke ō mau ka Ho'olaule'a ma ka holo 'ana o ka manawa a me ka hō'oia i ke kū o ka FestPAC i ka 2020-2030 Pacific Regional Culture Strategy. 'O aku ke komo 'ana o ka FestPAC Working Group ma ka Ho'olaule'a me ka hō'ike ahuwale pū nō na'e, 'o Hawai'i nō ke alaka'i. He mau kumuwaiwai ko ka SPC e ho'olilo ai, a e pono ai ho'i ko Hawai'i. Ua hō'oia mai ka Luna Ho'olaule'a nei iā Mikki-tae Tapara lāua 'o Paula Kerr o Aotearoa e alaka'i ana i ka hana me ka FestPAC Working Group. Ma ke 'ano he mau 'elele ma ka Working Group, 'o Mike de Silva lāua 'o Monte McComber nō ia.

Ua hō'ike pū ka Luna Ho'olaule'a nei no ke kono 'ana o ka SPC iā ia e ho'i i Suva i 'Okakopa 2022 e komo ai i kekahi mau hālāwai e la'a ka Public Health Department, ka Land Resources Department for Biosecurity, a me ke Communications Team.

No ka MOU ma waena o Hawai'i a me ka SPC a ka Lālā Komikina Ah Nee-Benham i hāpai mua ai ma ka hālāwai, ua hō'ike ka Luna Ho'olaule'a, 'a'ohe nō MOU kūpono ma waena o Hawai'i a me ka SPC no ka mālama 'ana i ka Ho'olaule'a. Eia na'e, ke lana nei kona mana'o, e hiki ke ho'oholo 'ia ka mana'o ma kēia hālāwai e kū ai ka hālāwai Komikina o ka 15 'Aukake 2022 i ka mana'o ho'oholo e nānā 'ia ai nā mea a pau a i kēia ma kahi o ke kūkā 'ana i nā mea mai nā hālāwai o mua.

Ua hō'ike ka Luna Ho'okele Ho'ola i ka 'alemanaka FestPAC mai 'Aukake i Kekemapa 2022 a laila, he 'alemanaka hapahā mai Ianuali 2023 i ka pau 'ana o ka Ho'olaule'a ma Iune 2024.

'Aukake 2022 – Ua noi ka Luna Ho'olaule'a i ke Komikina e ho'ohiki hou i nā mana'o ho'oholo e la'a kahi o ka Festival Village, nā wahi ko'iko'i, a me nā heluna hui 'elele. Ma ka no'ono'o i ua mau heluna hui 'elele nei, hō'ike mai ka Luna Ho'olaule'a nei no ko ke Komikina ho'oholo 'ana i ke 60, ma ke emi 'ana na'e o ka heluna po'e loa'a i ka ma'i Covid, e no'ono'o ana 'o ia inā e makemake ana ua Komikina nei e ho'onui a'e i ka heluna i ka 100. Ua hō'oia 'ia ka noho 'ana ma Ke Kulanui o Hawai'i ma Mānoa (UHM) no ka 1,800 'elele. He loa'a pū paha ka hale noho keu ma ka East West Center ma Lincoln Hall a me Hale Mānoa. Ke ho'oka'a'ike pū aku nei ka Luna Ho'olaule'a nei me nā hoa kākō'o hōkele i mea e mālama 'ia ai nā lumi hōkele. Ke noi nei ua Luna Ho'olaule'a nei i ka ho'ohiki hou 'ana i nā papa hana a wahi papa hana.

Kepakemapa 2022 – E mālama 'ia ana na The Pacific Island Development Program ka Pacific Island Conference of Leaders (PICL), ma ka lā 12-14 Kepakemapa, 2022. He 20 kaumoku'āina i kono 'ia i ua hanana nei, a he 'eiwa i hō'oia mai i ka hō'ea a i kēia ma ke kino. Ua noi 'ia na nā mea ho'opuka o ka PICL ko ka Luna Ho'olaule'a hō'ike mana'o 'ana ma ka holo 'ana o ka PICL. 'O kekahi mea hou aku ma Kepakemapa, 'o ia ko ka Luna Ho'olaule'a ho'ākoakoa 'ana i nā alaka'i kōmike e like me ka mea i ho'opa'a mua 'ia ma ka FestPAC Host Manual penei: Hakuhia (papa hana); Ho'okō (kālā, ho'okō palapala/mālama limahana, hui 'elele); Ho'olālā Ho'olaule'a (hana pū me nā aupuni, nā NGO, aupuni, a pēlā aku); Wahi Hale; Nā Lawelawe Kākō'o; Hokona Pāpaho a Mea Kākō'o; a me ka Noho Hale. He mea nui ka loa'a o nā mea hokona e la'a ka lā, pelaha, a kāleka, a pēlā aku.

'Okakopa 2022 – E komo ana ka Luna Ho'olaule'a i ka hālāwai SPC ma Pīkī a pēlā pū ka Moso'oi Festival i Sāmoa 'Amelika. Ua hāpai ua Luna Ho'olaule'a nei e ho'omaka ke kono 'ana i ke Kuhina Haaland, ka Hawai'i Congressional Delegation, ka National Endowment – Arts and Humanities, ka Western Arts Federation, ka Smithsonian Institute, ke Kenekoa Hirono, ka Asian/Pacific Museum, a me kekahi mau hui hou aku e like me ka mea e pono ai. Eia hou, e nānā 'ia na ka AC ke kino kū kānāwai o ka FestPAC, ka 'inikua, ke kuleana 'ike (IP), a me ka ho'omaka 'ana o nā kūkā kuleana kope, a pēlā aku. Ua mahalo ka Luna Ho'olaule'a nei i ka Lālā Komikina de Silva i ka hō'oia i ka ho'omalū 'ia o ke kuleana 'ike e ka'ana 'ia ana ma ka holo 'ana o ka Ho'olaule'a. Ua hāpai pū ua Luna Ho'olaule'a nei no ka mea nui 'o ka ho'okumu 'ia o ke Ke'ena Ho'olaule'a e pono ai ka MOU me ko ka East West Center.

Nowemapa 2022 - 'O ka ho'opa'a 'ana i ka MOU ma waena o Hawai'i a me ka SPC/CPAC ka pahuhopu a ka Luna Ho'olaule'a, ka pa'a o ke kino hoa kākō'o a me ka pa'a o ke kulekele a me ke ka'akālai hokona, nā mana'o alaka'i kālā, a me ka pa'a o nā "'aelike lūlū lima" me nā wahi ko'iko'i a me Ke Kulanui o Hawai'i ma Mānoa. E kipa ana ko Aotearoa no ka hō'oia 'enehana SPC no ka 'oko'a o kā lākou 'ōnaehana uku.

Kekemapa 2022 – E puka he mau kūkala nūhou no ka FestPAC 2024, e ho'opuka hou 'ia ke kahuapa'a, a e pa'a pū ke ka'akālai kūlelepaho kekahi. E ho'olaha 'ia ma o ka SPC, Cultural Talkers, Native Arts and Cultures Foundation, WestAF, Meet Hawai'i, a pēlā aku. E ho'omākaukau pū 'ia ka 'ikepili no ka waihona hui 'elele (puke linakolu pa'a a lahilahi) no ke kipa 'enehana SPC/CPAC o Pepeluali 2023.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Po'akahi, 15 'Aukake, 2022, hola 3:00 'aui.
'Ao 'ao 5 o 5

Ua nānā pū 'ia na ka Luna Ho'olaule'a ka 'alemanaka hapahā FestPAC mai Ianuali 2023 i ka pau 'ana o ka Ho'olaule'a ma Iune 2024. Ua ho'okomo pū 'ia he kope o ua 'alemanaka hapahā 2023 nei a pēlā pū ka 'alemanaka 2022 mai 'Aukake i Kekemapa ma ka waihona hālāwai.

Ua kū ihola ka Luna Ho'olaule'a e mahalo iā Mike Terava Casey, ke Ke'ena Mō'aukala o Ke Kulanui o Hawai'i ma Mānoa nāna e kōkua nei i ua Luna Ho'olaule'a nei. Ua mahalo akula 'o Mike Casey i ke Komikina i ke kono 'ana iā ia i ka hālāwai.

Pou Papa Hana Ho'olaule'a

E komo ka Hō'ike'ike, Hō'ike Ki'i, Hana No'eau, Mea'ai, 'Aha Moananuiākea, Nā Hana Pāku'i, a me Nā Hana Kūhelu. Ua hō'ike ka Luna Ho'olaule'a no ka 'āpono mua 'ia o nā mea lāli'i o kēia mau papa hana ma nā hālāwai i hala na ke Komikina. Ua ho'ākāka ka Luna Ho'omalū Ka'anā'anā, 'o ka mana'o nui ka hō'oia i nā mea i ho'ohiki mua 'ia na ke komikina no nā papa hana. Ua hāpai 'ia he ala kōkua na ua Luna Ho'omalū nei e 'ike 'ia ai nā mana'o ho'oholo o kēia hālāwai e hō'ike 'ia ma kekahi hālāwai no ka 'āpono 'ia e ke komikina.

Ua hō'ike maila ka Luna Ho'olaule'a, i mea e lōkahi pono ai ka mana'o me ka ho'opa'a 'ana i ke kahua e holomua ai ka hana a ua Luna Ho'olaule'a nei, CPAC, FestPAC Working Group, ke Komikina, a me ke kaiaulu Pākīpika Hawai'i no ka FestPAC, ua noi 'o ia e komo nā mana'o ho'oholo pili papa hana a wahi ma ka mo'olelo hālāwai 15 'Aukake 2022.

Ua hō'ike ka Luna Ho'omalū Ka'anā'anā no ka hālāwai 5 'Apelila 2021, ua ho'ololi 'ia ka hālāwai "fringe" a loa'a 'o "complimentary" i 'āpono 'ia na ke Komikina 'o Nā Hana Kūhelu no ka unuhina o "Special Events." E hō'ike 'ia ua mau inoa nei ma ka mo'olelo o kēia hālāwai (e nānā i ka mea i kāpae 'ia ma nā Pou Papa Hana Ho'olaule'a ma luna a'e a i pani 'ia me nā mea pololei). Ua hāpai ka Luna Ho'omalū e hāpai ke komikina no ka hō'oia i ka mana'o ho'oholo ma mua o nā Pou Papa Hana, a 'o nā mea e hō'ike 'ia nei i kēia lā, 15 'Aukake 2022, 'o ia nā Pou Papa Hana, e like me kona 'āpono 'ia i kēia mua aku.

Ua hāpai 'ia na Mike Ah Nee-Benham a kāko'o 'ia na Mika Onishi e hō'oia i ka mana'o ho'oholo i holo i ke Komikina i kēia lā, 15 'Aukake 2022, no nā Pou Papa Hana Ho'olaule'a me ka mana'o ho'ololi mai "fringe" i "complimentary" a mai Nā Hana Kūikawā i Nā Hana Kūhelu. Ua noi 'ia ke kīkolā a penei nā Lālā Komikina i 'āpono i ua noi 'āpono nei: ka Luna Ho'omalū, Mike Ah Nee-Benham, Mike Bento, Mike de Silva, Mike Hussey, Mika Keohokālole, Mike Lum, a me Mika Onishi.

Ua 'āpono 'ia ke noi 'āpono me nā mana'o ho'ololi e pani 'ia 'o Na Hana Kuikawā me Nā Hana Kūhelu.

Nā Hana Kūhelu

Ua hāpai ka Luna Ho'omalū Ka'anā'anā he noi 'āpono, a i kāko'o 'ia na Mika Onishi e hō'oia ke Komikina i ka mana'o ho'oholo Nā Hana Kūhelu penei: ka 'Aha 'Awa a 'Aha Wehena a Ho'oku'u, Ho'okipa Wa'a, Parade of Nations, Ecumenical Services, Youth Ambassador Program, a me nā Pā'ani Ku'una.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Po'akahi, 15 'Aukake, 2022, hola 3:00 'au.
'Ao 'ao 5 o 5

Ma ke kūkā 'ana, ua noi 'o Mike de Silva e ho'one'e 'ia ka Pā'ani Ku'una mai Nā Hana Kūhelu i Nā Hana Pāku'i. Ua a'oa'o pū ka Luna Ho'omalulu no ka ho'one'e 'ia o ka Youth Ambassador Program i Nā Hana Pāku'i e like me kāna mau kakaha hālāwai 5 'Apelila 2022.

Ma hope o ke kūkā 'ana, ua hāpai hou ka Luna Ho'omalulu Ka'anā'anā i kāna noi 'āpono e hō'oaia i ka mana'o ho'oholo mua o ke komikina e komo nā mea ma Nā Hana Kūhelu penei: ka 'Aha 'Awa a 'Aha Wehena a Ho'oku'u, Ho'okipa Wa'a, Parade of Nations, a me ka Ecumenical Services. Ua kāko'o 'ia na ka 'Elele Onishi. Ua noi 'ia ke koho pāloka kikolā a penei nā Lālā Komikina i 'āpono: ka Luna Ho'omalulu, Mike Ah Nee-Benham, Mike Bento, Mike de Silva, Mike Hussey, Mika Keohokālole, Mike Lum, a me Mika Onishi.

Ua holo ke noi 'āpono.

Wahi

Ua hō'ike ka Luna Ho'olaulea, aia ke koe mai ka wahi Festival Village i ka pa'a o ka MOU kūhelu ma waena o Ke Kulanui o Hawai'i ma Mānoa a me ka East West Center. Ua kūkā mua 'ia nā wahi i hō'ike 'ia ma ka mo'olelo a ua Luna Ho'olaule'a nei. E noi'i nā limahana i nā lā a me nā mana'o ho'oholo pa'a mua na ke komikina, 'o ia ho'i nā wahi makakoho mua a 'elua, me ka ho'omākaukau pū 'ana he mana'o kōkua no ka 'āpono 'ia na ke komikina.

Ua ho'opane'e 'ia ke koho pāloka 'ana a i kekahi hālāwai komikina.

Heluna Hui 'Elele

Ua hō'ike nā Lālā Komikina i ka mana'o a hopohopo no ka heluna hui 'elele.

Ua hāpai ka Luna Ho'omalulu Ka'anā'anā i ke noi, a i kāko'o 'ia na Mika Onishi e 'āpono i kēia lā, 15 'Aukake 2022, he Hui 'Elele e hō'ea ana i ka 100 ma ka nui loa. Ua hāpai 'ia ke noi kikolā a penei nā Lālā Komikina i 'āpono: ka Luna Ho'omalulu, Mike Ah Nee-Benham, Mike Bento, Mike de Silva, Mike Hussey, Mika Keohokālole, Ms Lum, Mika Onishi, a me Mike Pu'u

Ua holo ka mana'o e ho'onui i ka hui 'elele a i ka 100.

Ua noi ka Lālā Komikina Hussey e ho'omākaukau ka Luna Ho'olaule'a i pepa hō'ulu'ulu he ho'okahi 'ao'ao ka lō'ihī o nā mana'o ho'okele, wahi, papa hana, a pēlā aku, no kēlā me kēia hālāwai. Ua noi ka Luna Ho'omalulu e wehe 'ia kēlā me kēia hālāwai na ka Luna Ho'olaule'a ma ka hāpai i nā mana'o ho'oholo o ke komikina. Eia hou, 'o ka hō'oaia a koho pāloka 'ia o kēlā me kēia mana'o ho'oholo me kona mana'o ho'oholo pono'i iho nō.

'OLELO HŌ'IKE A KA LEHULEHU

Ua kono ka Luna Ho'omalulu i ke ākea e hāpai mana'o. No ka 'ole, ua ho'omau aku i nā ho'olaha.

NĀ HO'OLAHA

Ua ho'olaha ka Luna Ho'omalulu Ka'anā'anā no ke koi 'ia o nā lālā komikina a pau e ho'okō i ka State Ethics Training for the Board and Commission e loa'a ana ma ka pūnaewe. He papa ho'onui 'ike uila ia he 33 minuke ka lō'ihī, a ma ka pau 'ana, ua noi 'o ia e pane'e 'ia ka palapala hō'oaia iā Mika Scott Tome.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Po'akahi, 15 'Aukake, 2022, hola 3:00 'aui.
'Ao 'ao 5 o 5


KA HO'OPA'A -26 KEPAKEMAPA, 2022

E mālama 'ia kekahi hālāwai Komikina FestPAC ma ka lā 26 Kepakemapa 2022, ma ka hola 3
'au. he hālāwai hapahā kēia.

HO'OKU'U

Ho'oku'u ka Luna Ho'omalū Ka'anā'anā i ka hālāwai i ka hola 4:64 'aui.

Me ka ha'aha'a iho nō,



Kalani Ka'anā'anā
Luna Ho'omalū

19 Kepakemapa 2022
Lā